

WALDY SIMSON CU EXPOSICION "HUBILEO



Riba e potret aki por mira e artista surinameo Waldy Ricardo Simson cu diadomingo awor ta inaugura su exposicion di hubileo 1990-2000 den Biblioteca nacional di Aruba. E artista

polifacetico aki lo presenta varios obra di arte tiffany y varios pintura. Mas patras den e edicion aki por lesa mas di e exposicion di Sr. Simson.

PAGINA 3



diarioaruba.com Telefon 826747 - FAX 828551

diARiO

E MATUTINO DI ARUBA

Aña 20 No. 5867 - 1 Florin

DIASABRA 3 JUNI 2000

WALDY SIMSON CELEBRANDO HUBILEO



ORANJESTAD(AAN): Diadomingo awor te cu dia 18 di juni e artista Waldy Simson lo tin un exposicion special den sala di actividad di Biblioteca Nacional Aruba den cuadro di celebracin di hubileo di diez aña di e artista polifacetico aki. Como autodidacto Simson,

kende oficialmente a cuminza su carera na Hulanda, a presta den ultimo 10 aña hopi riba tereno artistico, entre otro riba tereno di musica, poesia, ceramica, tiffany, pintura, grafologia y obra cu papel. El a logra esaki pa medio di

entre otro su gran amor pa arte, trabao duro y cada biaha mas dirigi, desaroyo di su mente continuamente y continuacion riba e senda di arte, a pesar di hopi contratiempo.

Pa medio di varios exposicion na Hulanda, Suriname, Aruba y Bonaire, Waldy Simson a alcanza hopi hende cu su obra di expresion diarte. Hopi remarkable ta cu pa medio di e gran esfuerzo di e artista aki, kende ta celebrando su hubileo, e arte tiffany, e forma moderno di arte consistiendo di figuranan di glas hinca den chumbo, loke mundialmente poco hende ta practica, ta hayando dia pa dia mas popularidad. Den e exposicion lo mira obranan di arte di tiffany varios pintura. E obranan di arte tiffany lo acentua e bunita di glas di colo y e funcion multiple di e arte aki. E exposicion ta habri or atardi cu un show special cultural.

O'Stead, 20-6-2000
[Signature]